



NOGOMETNI/FUDBALSKI SAVEZ BOSNE I HERCEGOVINE
НОГОМЕТНИ/ФУДБАЛСКИ САВЕЗ БОСНЕ И ХЕРЦЕГОВИНЕ
BOSNIA AND HERZEGOVINA FOOTBALL FEDERATION

Ferhadija 30, 71000 Sarajevo
Bosna i Hercegovina
Telefon: +387 33 276 676
Fax: +387 33 444 332
www.nfsbih.ba



Broj: 02-4608-8/18
Sarajevo, 17.12.2018. godine

Izvršni odbor Nogometnog/Fudbalskog saveza Bosne i Hercegovine, na osnovu člana 35. Statuta Nogometnog/Fudbalskog saveza Bosne i Hercegovine (u daljem tekstu: Statut NS/FS BiH), a u svrhu usklađivanja pravnih akata NS/FS BiH i jasnijeg definisanja pojedinih odredbi Pravilnika o registraciji, statusu i transferu igrača NS/FS BiH, na sjednici održanoj dana 17.12.2018. godine, donosi s l j e d e ć u

O D L U K U

o izmjenama i dopunama Pravilnika o registraciji, statusu i transferu igrača NS/FS BiH

Član 1.

Mijenja se član 10. Pravilnika o registraciji, statusu i transferu igrača NS/FS BiH, na način da umjesto: „Igrač može biti registrovan nakon navršenih 7 (sedam) godina života.“, sada glasi: „Igrač može biti registrovan nakon navršenih 6 (šest) godina života.“

Član 2.

Dopunjava se član 40. stav 2. Pravilnika o registraciji, statusu i transferu igrača NS/FS BiH, na način da se iza rečenice: „Prijava za registraciju sadrži slijedeće podatke: prezime, očevo ime i ime igrača, datum i mjesto rođenja, klub kojem pristupa sa naznakom nogomet/fudbal, futsal, datum potpisa prijave, jedinstveni matični broj i dosadašnje članstvo“, umjesto tačke upisuje zarez i dodaju riječi: „e-mail adresa i broj telefona“.

Član 3.

Briše se stav 2. člana 88. Pravilnika o registraciji, statusu i transferu igrača NS/FS BiH zbog identičnog sadržaja norme iz člana 91. Pravilnika.

Član 4.

Ostale odredbe Pravilnika o registraciji, statusu i transferu igrača NS/FS BiH ostaju nepromijenjene.

Član 5.

Ova Odluka stupa na snagu danom objavljivanja u Službenom glasniku Nogometnog/Fudbalskog saveza BiH „Nogomet/Fudbal BiH“.

O b r a z l o ž e n j e

Izvršni odbor NS/FS BiH je na osnovu prijedloga Sektora za sport NS/FS BiH, razmatrao prijedlog izmjene člana 10. i dopune člana 40. stav 2. Pravilnika o registraciji, statusu i transferu igrača NS/FS BiH.



Nakon analize dostavljenog prijedloga, te rasprave po ovom pitanju, utvrđeno je da se predloženom izmjenom postiže veća usaglašenost sa ostalim propisima koji se odnose na materiju regulisanu predmetnim članom, a naročito sa principima na kojima potencira UEFA GROW program, gdje se kao jedan od osnovnih ciljeva navodi registracija većeg broja igrača u mlađoj starosnoj dobi koji treniraju fudbal/nogomet u klubovima, uzimajući u obzir činjenicu da se pomijera starosna granica djece koja su zainteresovana za nogomet/fudbal ili isti treniraju.

Na ovaj način postiže se veća kontrola nad klubovima koji treniraju mlađe igrače, dok se s druge strane uspostavlja relevantnija i preciznija evidencija ukupnog broja igrača koji treniraju fudbal/nogomet u BiH. Također, na ovaj način stvaraju se pretpostavke i mogućnosti za eventualno uspostavljanje liga za mlađe kategorije igrača te inkluziju istih u redovna i njima prilagođena takmičenja, što značajno uvećava broj zainteresovanih za ovaj sport ali i doprinosi ozbiljnosti i sveobuhvatnijem pristupu u stvaranju stabilnije i veće baze igrača u klubovima.

Brisanjem stava 2. člana 88. Pravilnika o registraciji, statusu i transferu igrača NS/FS, na način kako je navedeno u članu 3. ove Odluke, sprječava se dupliranje odredbe koja je već sadržana u članu 91. Pravilnika.

Dopunom člana 40. stav 2. Pravilnika o registraciji, statusu i transferu igrača NS/FS BiH, na način kako je navedeno u članu 2. ove Odluke, stvaraju se pretpostavke za implementaciju preporuka UEFA GROW programa, gdje bi se dodatni kontakt podaci (e-mail i broj telefona) koristili za buduće marketinške potrebe i oglašavanja, a čime se uspostavlja unificiranost domaćih propisa sa standardima i zahtjevima UEFA-e, a na koji način NS/FS BiH pokazuje da kontinuirano i ozbiljno radi na modernizaciji i unaprjeđenju svoga poslovanja i principa rada.

U skladu sa navedenim, Izvršni odbor je donio odluku kako je to definisano u dispozitivu.



me **PREDSJEDNIK** *er*
Elvedin Begić
[Signature]